

取。之。於。民。欲。其。詳。悉。纖。盡。豪。髮。曲。到。力。已。有。所。不。能。故。攤。賠。之。時。地。方。所。呈。圖。籍。非。不。詳。明。而。及。其。按。圖。以。索。則。全。歸。於。無。有。今。之。各。省。蓋。無。一。省。能。實。收。其。常。時。所。自。認。之。數。者。而。洋。債。迫。切。無。可。遲。延。不。得。不。借。外。國。銀。行。之。款。以。歸。之。外。國。而。息。借。之。時。又。不。能。不。以。本。省。利。權。爲。抵。押。使。由。此。道。而。不。變。吾。國。之。土。地。殆。均。爲。銀。行。之。產。業。乎。其。前。途。之。凶。險。豈。當。時。所。及。料。也。

第二時代之預料。以條約尙未實行之故。其合與否尙不可知。惟以意度之。他日所得之果。與吾人所料者。必有過之無不及也。

第三時代之預料。所謂俄人必不退兵。旣已符驗。惟俄人始終以強硬對日。卽韓國亦不肯讓。此實天下人之所不料。從此東亞之枯棋一轉而入於遼廓無垠之境矣。

第四時代之預料。則至今日止尙未見有不及料之事。

以上皆臚舉此數年中吾人之意境。與世界之實事相印證也。今可得一公例於此。大約中國前途之危險。吾人之所料皆輕於世事之所趨。當日所目爲刻覈之論者。皆後時所晒爲膚淺之談也。此三年中事已如此。後之視今亦猶今之視昔。能無歎來日之不再乎。

論瓜分變相 錄甲辰第三十一號第三十二號合本外交報

非常之原。當其將至而未至也。人各出其智計以度之。顧人之意料每單簡。而事之因果必繁複。人之想像必陳舊。而事之構造每新奇。故中者常一二。不中者常千萬。立乎三代之世者。不能知有漢明之革命也。生於赤縣之族者。不能知有歐美之民主也。而況中國今日之局。以泰東數千年之文化。忽焉而與泰西之文化。遇其操術也相反。而勝負不能並存。人道所由之。孰宜。孰不宜。將取決於此焉。此其爲事。爲往例所未顯。又豈常智所能測者哉。我國自甲午以來。策國步之前途者。於今三變矣。自中日戰後。俄法德三國聯盟。迫令日本交還遼東半島。於是吾人知英俄將爭利於中國。自德索膠澳。俄索旅大。英索威海九龍。法索廣州灣。於是吾人知各國已協謀瓜分中國。自聯軍入北京。力迫乘輿東返。議和撤兵。於是吾人知各國非直接瓜分。但各布其勢力範圍。卽爲瓜分之局。此三期中。凡後一期之所見。皆前一期所未料也。而及至其時。乃恍然悟爲事理之所必至。今論者固各以爲各國自分疆域。布其勢力範圍。爲無可疑也。然以目前時勢度之。則分布疆域之說。恐將又變。殆不爲完整瓜分。而爲綵羅瓜分矣。何謂完整瓜分。卽昔所謂俄據河北。英據長江流域。德據山東。法據滇南。黔粵。美日據閩浙之類是也。何謂綵羅瓜分。其界線不能盡然。明剖如蛛之網。絲魚之圓。滄干重萬。縷交互相涉。合之則同一土地。分之則各有本原。一地之中。而各國分據。

一業一業之中而各國分據一人其瓜分之法至華離而不齊整至隱微而不顯著而其主國則謂之不亡不可謂之亡亦不可遂成一自古至今未曾有之形狀焉此所謂綵雜瓜分也至綵雜瓜分漸著之勢今請舉近事以實之

一全國稅務屬於英人二東清鐵道屬於俄人蒙古鐵道同三關內外鐵道屬於英人四蘆漢鐵道屬於比人五津鎮鐵道屬於英人六正太鐵道屬於俄人七津保鐵道屬於英人八山東鐵道屬於德人九粵漢鐵道屬於美人十江甯上海杭州間鐵道屬於英人十一江甯漢口至重慶鐵道將屬於英人十二雲南鐵道將屬於英人十三京口及福建鐵道將屬於美人十四滿洲之鑛屬於俄人十五河南北境及山西之鑛屬於英人義人十六山東之鑛屬於德人十七浙江之鑛屬於義人十八安徽之鑛屬於英人十九四川之鑛屬於法人二十雲南之鑛屬於英人二十一福建之鑛屬於法人二十二天主教徒屬法人保護二十三耶穌教徒屬英人美人保護二十四佛教徒將屬日本保護二十五回教徒將屬土人保護二十六凡商家必用一外人為代表二十七凡達官必用一外人為奧援二十八各省以賠款之故自借洋債各有抵押之件二十九各商因銀根緊急借用外國銀行之款亦各有抵押之件三十尚有船局鐵廠之類專隸於一國權下者

外 交

七

乙 巳

外交

八

正月

以上各事。僅舉其大者。而其縱橫交錯已如此。此其所以不能成完整瓜分。而必成綵雜瓜分也。夫中國今日幾於寸寸之地。各有一人爲地主。種種之人。各有一人爲主人。即使外人侵入之事。止於目前。已不可爲國。況數年之後。相切益密。將無一事不有外人。躡入其間。雖欲自辦一事而不能矣。故其所處之困。自遠過於完整瓜分。蓋各國若用完整瓜分。或尙有一二省之地。主名未立。吾人豪傑。能乘機運動。得以保其獨立。卽可爲將來蒙泉剝果之機。此一利也。或此某地所隸之某國。適有大亂。不能兼顧。吾人亦可乘此時機。脫其羈勒。以達獨立之目的。此二利也。惟綵雜瓜分。則二利全絕。其瓜分之法。不繫於地。或以線路。或以鑛產。或以宗教。或以財政。或以官職。皆牽一髮而全身動。通國無不到之處。故第一利不可望。一鄉一邑之中。各國具焉。天下列強。無同時衰亂之理。故第二利不可望。而其所得之果。則束縛不動。無可作用。浸貧浸愚。浸弱。以坐待夷滅而已。若夫致此之由。亦非出列強之成算。如斯之事。無人能以成算爲之者。祇以吾國地大民衆。外人一時不敢倉猝瓜分。而蚩蚩之民。有暴政之逼。無愛國之忱。遂無不以投身異族爲得計。其依倚外援也。時非一時。事非一事。至極參差。乃不期然而然。以成綵雜瓜分之局也。嗟乎。以一服八爲天下之至難。亡羊補牢。乃識者所不許。然則欲中國仍不改其爲古時之中國。吾亦知其難矣。然則此數千

年。之。文。化。其。中。豈。無。可。議。者。哉。

論外務部 錄甲辰十一月十三日新聞報

外務一部乃外交涉樞紐之地也。得人則化險為夷。失人則蘊孽成患。中國自與各國交涉以來。無一事不失權。無一役不辱國。淺見者多歸咎於士民之野蠻。督撫之懦弱。而其實皆外部諸臣無外交之才也。其以前之外交。為外部釀成失權辱國之患者。今且不必論矣。即就償金運米二事以論。而外部諸臣誠有不能辭其咎者。賠款還金。各督撫爭持不決。已閱數年。尙無定議。而外部於此次之要素。不謀之於各省督撫。不審度各省之財力。即貿然允諾。分電各省。勒限籌款。迨鐵欵使電爭。則又強人所難。飭令與無權之人磋商。以卸己責。外部諸臣之心。不堪問者。此其一。至若中葡訂約。葡人要求運米。粵省紳士飛電相爭。則謂商約已定。不能挽回。查當日中葡商約。未經簽字。改約不難。而外部直謂約已議定。不能更改。力卻粵紳之請。幸紳士不為所動。電爭愈力。卒使葡約將運米一條。不入約章。使粵紳為外部所騙。後患實不可測。外部諸臣之心。不堪問者。此又其一。嗚呼。五洲開通。交涉日煩。其恃以保國權。而全國體者。全在外部諸臣之措置得宜。乃以一國所恃為代表政治之人。而庸懦如此。欺詐如此。糊塗如此。顛預如此。宜乎與外人交涉。一次愈增一次之虧也。由上